



Diario



pa Aruba



INSTALACION
CONDICIONADO NA BO

cas AWORI

Tel. 2170



No. 4285

ANJA 23

DAVIERNE 9 MAART 1962

Apuntes Editorial HENDE MODERNO

E sistema moderno di comunicacion (in numeroso grau ventajoso. E tin tambe un desventaja. E ta amenaza na kita fol nos e berdadero admiracion. Casi nos no por bisa ni „oh“ y „ah“ mas. Den corantnan y enciclopedianan nos ta mira reproduccion di tur sorto di curiosidadnan y acontecimentonan posible na mundo. Cosnan cu nunca nos a mira ta ser confia na nos door di portretnan den corantnan y strips di enciclopedia. Ora cu nos hanja anto despues e ocasion di contempla algu gigantesco y particular cu nos mes wowonan, nos ta descubri den nos mes un sentimento di desenganjo, pasobra proplamente nos tabata conoce esei eba proplamente y e realidad tabatin masha poco di ofrece cu e portret of strips filia.

Indudablemente hopi hende mas buntu cu nos lo a sinti y experiencia el, esnan anto cu a asisti na e demonstracionnan di helicopter Dia Sabra atardi riba aerodromo Prinses Beatrix. Si acaso nos tabata na alcance di por a grita „oh“ y „ah“, ora cu nos a mira e aparatonan aqul para inmovil den aire; bula di banda y p'atras; nos a mira nan fol taria baha y subi?

Y sinembargo tabata cosnan increíble loque y helicopternan aqul a demonstra. Y loque cu e aparatonan aqul ta capaz na haci ta confina na lo imposible. Un ahogado den lama ta ser salba den un frege di wowo; un subido di ceru cu a dwal por ser busca y e por hanja alimento riba e luga solitario cu e ta. Aruba mester ta contentu cu gracias pa e bishita di „Karel Doorman“ y por a hanja e ocasion di e ceru conoel tambe di acerca cu e avion misterioso aqul. Y si e demonstracion a sinja nos alavez na qutia e mentalidad di „esel mi conoce eba — esel mi sa masha tem eba“ y traha luga pa un admiracion sincero, anto e demonstracion tabata dobbel util.

E desarrollo científico di cual nos generacion ta festigu awor ta bal cu asina velocidad, cu mucho bez nos ta na alcance mas di reconoce e milagronan cu nos ta mira of tende of duna nan e balor cu nan ta merece. Y cu esei sin duda nos ta haci danjo na nos mes. Larga nos conserva continuamente den e espíritu el un luga pa e sincera admiracion. Nos bida lo bira mas valeroso pa motibu di esel.

Tambe nos Marina

Durante su conferencia di prensa Dia Viernes malina ya commandeur A. van Es a observa eba cu e bishita di Smal-deel mester ser considera di gran interes pa Antillanan Neerlandes, pa fortifica e lazonan di Imperio y haci un realidad dje pensamentu Imperial. Cu esei el a dal e martin riba cabez di clabu.

En realidad e bishita dje vapornan hulandes di marina ta masha util. E incontestable cantidad pa quendenan e reino tripartito ta ainda un caso incomprensible, ora cu e bishita aqul ta estipula cu Marina Real no ta un affaire priva di Hulanda, pero cu esaqul ta un caso di reino, den cual Om Antillas y Aruba ta tuma parti y cu „Karel Doorman“ y „Limburg“ no ta sirbi solamente den tempo di peligro pa defende interesnan hulandes, pero tambe e interesnan di Antillanan Neerlandes. Aruba anto no tabatin e weekend aqul un bishita stranjo di flota, pero e tabatin di dje mes. Pero su mes marina aqul a queda huma riba nan. Bishita di flota enberdada ta accentua e pensamentu Imperial y commandeur Van Es tabatin gran razon ora cu el a expresa e deseo cu lo tambe cu Antillas ser bishita cu regularidad pa e vapornan aqul di K.M.

GANADORNAN DI CONCURSO GREENLAND

ORANJESTAD. — Aki ta sigui number dje ganadornan di concurso „Greenland“ organisa pa firma E. & G. Martijn (Aruba) Ltd. E prome premio, fl. 50.— a worde gana door di sra. Apolonia Ras, di St. 43 - Sta. Cruz, kende a gana cu e disco „Mi tonto corazon“. Di dos premio, fl. 25.—, a worde gana door di Sofia Tromp di Tanki Flit 22, y kende a gana cu e disco „It's never too late“. Di tres premio, fl. 10.—, a bai pa sra. S.A. Croes di Parader 134, kende a gana cu e disco „Hoy se mas“.

Deliberacionnan Frances-Argelino ta resultando exitoso

Segun circulonan for di conferencia na Evian tambe e di dos dia di conferencia na Evian a termina exitoso. E noticia di tiramentu di un parti di barrera electrica na frontera argelino door di rebeldenan argelino riba territorio tunecino, a bini como un sorpresa.

Pero ningun trupa di rebeldenan a pasa door di e barrera y na Paris nan ta considera e incidente mas como un accion politico cu como un paso militar.

E tres puntonan principal cu e conferencia Frances-Argelino ta atende ta:

1. E momento di libertacion di e lidernan di rebeldenan Argelino.
2. Formacion di e fuerza local di polis y su tarea na combatinmento di e terroristanan di Salan.
3. Eleccion di esnan cu lo forma parti di un poder ejecutivo temporario.

Gobierno Frances ta steuns, cu e proclamacion oficial di un armisticio y publicacion di e estipulacionnan di un acuerdo Frances-Argelino lo no keda sin haci ningun influencia riba e poblacion Europeo di Argelia. Tin, a lo menos riba papel, medidanan cu nan a tuma pa salida di 100.000 familia Europeo for di Argelia despues di e referendum cu lo tuma luga eyan.

F A T U M — Tel.: 1845
pa tur bo asegurado

E oficina di prensa di e rebeldenan Argelino na Tunis a publica un declaracion, cu si Francia despues di un armisticio ninga di haci e trupanan di orden local suficiente fuerte pa neutralisa e facisitanan, e Argeli-

nonan lo sa cu Francia ta prefera di continua cu guerra.

E corant di e rebeldenan Argelino, „El Moedjahid“, diabierna awor (esta awe) lo publica un declaracion toante e auctoridnan Frances Argelino riba futuro di Argelia, cu nan a logra durante e negociacionnan secreto luna pasa na e ciudad Les Rousses.

CONDE A YEGA TRINIDAD

PORT OF SPAIN 9 maart. Conde Mountbatten, hefe dje staf Britanico di defensa, a llega na Trinidad riba un viuhe door di e territorio di Caribe. E lo contra cu e premier di Trinidad Eric Williams, y e auctoridnan federal di defensa. Awe lo e sigi pa Barbados.

DELIBERACION NA EVIAN

E minister Argelino Boessoef, a yega cu avion for di Madrid na Casa Blanca. Na prensa el a declara, cu el a bini den nomber dje gobierno interior Argelino, y e mester noma Rev Hassan y e gobierno Maroki na altura dje desarollonan dje deliberacionnan. Te ainda nan mester yega na acuerdo toante kestonnan grandi, di cual e Francesnan no a yega na un punto definitivo durante e deliberacionnan. Y riba cual nan ta haciendo na e momento aki deliberacion.

E paz, cu nos tur ta desea ta depende dje delegacion Frances, asina Boessoef a declara.

DESGRACIA DI TREIN NA RAVENNA

RAVENNA, 9 maart. — Un trein di pasahero a sali cerca di Ravenna na noord Italia for di rails. Doer dje accidente aki a muri 13 persona y tin 100 herida. E trein tabata di caminda di Lecce pa Milaan.

E trein tabatin hendenan cu ta bai busca trabow na Milaan.

Cincu caruaje a boltu y e otronan a cai riba otro.

Un wagon di mercancías a boltu y pasa door di un cas, cu ta para cerca dje linea di Ferro Viaria.

Un bosero di polis na Castel Bolognese na unda e accidente a pasa a bisa, cu tin 15 herido cu ta grave. Tambe e bosero aki a bisa cu e trein no a sali di Lecce, pero di Bari.

DESGRACIA DI TREIN NA ALEMANIA OOST

BERLIN, 9 maart. — Segun e corant di Berlin West, Berliner Morgenpost, a muri 20 militar Ruso na un dalmentu di trein siman pasa diahuebs cerca die lugar di Alemania Oost Scharfenbrueck, entre Berlin y Leipzig. E trein aki tabata carga cu tanknan Ruso cu hende abordo.

E oficina di Alemania Oost di prensa ADN, a anuncia siman pasa, cu na e desgracia aki a muri un pasahero y tin 11 herida.

ARUBAANSE COURANT TABATA HUESPED ABORDO DI "KAREL DOORMAN"

Empresa gigantesco cu 1.200 obrero
tabata masha interesante

ORANJESTAD — Cu casi ci eninvitado abordo, e portavon „Karel Doorman“ y e onderzeebootjager „Limburg“, dialuna u.p. a haci un biaha di placer y demostracion combina riba laman entre Aruba y Corsow. Durante e biaha e bishitantenan por a cera conoci ampliamente cu e posibilidatnan di e bapornan di gera aki.

Naturalmente cu e portavon, riba cual bo redactor tabata abordo, no ta solamente e parti mas interesante di Smaldeel V, pero di henter e Marina Hulandes. Abordo di „Karel Doorman“ bo ta hanja ho mescos cu ta den un fabrica grandi bo ta, cu 1.200 empleado constantemente na trabow. Apenas bo ta nota cu bo nabegando abordo di un bapor.

„Karel Doorman“ importante pa NAVO

E portavon „Karel Doorman“ cu na anja 1948 na Inglaterra a ser entrega na Marina Hulandes, ta forma e punto central di e flote Hulandes cu a ser forma harmoniosamente cu agregacion di e Seahawk-straaljagers, Grumman S2F1-tracker pa combati submarinonan y e helicopternan Sikorsky, e aerodromo flotante y amobiel aki ta forma un contribucion importante pa seguridad di transportacion di mercancía, di cual e industria Hulandes ta depende pa tres quinto parti y e volumen total di industria Hulandes ta depende pa mas di cincuenta por ciento. Segun e amenaza e portavon por hiba bordo, e avionnan di tipo Grumman S2F1, of helicopternan Sikorsky, pa combati submarino enemigo, tambe e por usa Seahawks contra atakanan aere.

Mescos cu esaki ta e caso pa tur bapornan di gera e mobilidad di Hr. Ms. Karel Doorman ta den condicion pa prepara pa combati submarino of avionnan enemigo, na cuikier parti di mundo na unda esaki ta necesario, mientras cu door di su mobilidad e no ta un blanco facil pa proyectielnan balistico. Tambe den caso di

taadornan, mas o menos 25, e numero abordo di „Limburg“, pero numero di esnan cu lo bini tabata sesenta.

Aki bao tabatin mas tantu hefanan di servicio reuni. Territorio insular di Aruba tabata dialuna practico enteramente kita di su eorona y e comision a tuma su retiru.

Despues cu cada hende 5'or i mei cada hende a subi abordo jen di sonjo i a ser ricibi den longroom di oficialnan un poco koffie pretu a vude, enter e combito tabata para 6.30 pa nabega sali i bolbe riba un die hopi dekanan cu „Karel Doorman“ tin. Net solo a sali cariciando riba mundo ora cu Karel Doorman i Limburg cu un velocidad di 15 millia a tuma curso pa Oriente.

Poco poco Aruba tabata disparee tras di horizonte. I rond di nos tabata e ora el solamente lamar: un dushi lamar liso i blauw pa tene demonstracionnan i eherecicionan.

E sintimentu el nan tabatin abienos abordo di Karel Doorman. Abordo dje torpedero nos tabata sigur cu tur hende tabata di acuerdo.

No a dura mucho cu e caranan a cuminsa ta bira bleek mortal.

Gigantesco

Tin centenares di matroonan cu tin como ehecto di tene e vapor aki limpi i cada un tin nan trabow. Karel Doorman ta den su plenitud ora cu e hanja ho riba laman gancho. Nos mester tuma na consideracion cu e existencia dje 1.200 hende abordo ta trece hopi rompecabeza i sinembargo tur cos ta bai asina bon cerca cu hende lo por quere. Tur e 1200 hobennan aki mester come i bebe i sinembargo tur cos ta bai disciplina abordo.

Pa duna un descripcion di Karel Doorman manera e ta, esei ta un posibilidad.

Tin masha hopi specialista, hobennan inteligente cu kier yuda. Pero tur hende ta na un punto abordo i ta haci nan trabow i tambe nan ta organiza tur anochi pa un cos. Despues di desayuno a cuminsa e programa cu... X X X

Despues di desayuno a cuminsa dialuna e programa di eherecicio. Cu ballonan corra como senjal, i paracionnan i un ratu despues e mitralidornan a cuminsa ta haci eherecicio tirando den laria.

Cemo quiera cu ningun hende por sa ki ora ta e momento, p'esei ta matroos ta pone un kaareli.

Despues dje desayuno a cuminsa dialuna e programa di eherecicio. Cu ballonan corra como senjal, i paracionnan i un ratu despues e mitralidornan a cuminsa ta haci eherecicio tirando den laria.

Cemo quiera cu ningun hende por sa ki ora ta e momento, p'esei ta matroos ta pone un kaareli.

Gigantesco

Ta dificil pa expresa cu palabranan e impresion cu Karel Doorman ta haci riba tin hende cu e no conoce e palabra „empresa“ nos a kita un ritu pasa eba. Awor e vapor ta hania orcin. Dje manera el e vapor tambe ta hania un number door di su mes hendenan.

„Un bishita na Karel Doorman“ ta ser den honi sentido manera un bishita na Lago. Na tur caminda tin plama oficinanan chiquitona grandi i chiquito, na unda personal administrativo i specialistanan ta sinti henter dia saca som. Tin machinckamer, na unda hendenan banando den nan sudor hende ta vigiando di dia i anochi, tambe riba cada momentu di dia pasobra mester tin hopi energia abordo. Energia pa e katapult cu nan no ta tira den aire, energia pa pa recepcion di aparatonan di radar i mescos pa e lampi bao di cual 7

HET HUIS DER
BRILLENMODE

OPTICA
MODERNA

SPRITZER
&
FUHRMANN

Het vanouds vertrouwde adres



GERENTENAN DI CROWN
LIFE INS. CO. NA
CANADA A BISHITA ARUBA

sha probecioso cu e hendenan aki ta cla prepara tur ora i cu e armadnan di mas moderno.

I hustamente p'esei e hendenan aki su vapor i nan mes mester ta cla unbez pa ofrece nan bida na labor di publico.


Pasamentu di cargan nan leve

Esaki tabata e punto di programa principal. Un mariner tabata tira riba e jagernan for Karel Doorman. Pero esaki tabata un comunicacion cu luga abordo dje otro torpederonan. Dokter Hazenberg tabata un dje promernan cu a pidi pa nan pase di e vapor pa otro. Despues pa medio dje transporte nobo e dokter a biba bukinan pa e matroostan na e mes manera el a regresa 'trobe. Como particularidad nos mester menciona acerca cu dokter Hazenberg a ser nombra como miembro honorario di e vapor Karel Doorman.

Tambe e otro miembro honorario di Karel Doorman ta Prins Bernhard i dr. Da Cos a Gomez. Corto tempo pasa el a manda tres disci di „Padu del Caribe“ pa e longroom. E regalo particular aki dje dokter a ser masha aprecia.

Enter merdia tabata asistido di eherecicio cu avionnan, principalmente cu

(Sigi lesa riba pag. 4)



GRANDIOSO CONCURSO MENSUAL CU PREMIOS VALIOSOS DI DEL MONTE

Cu solamente 10 etiketa di e famoso productonan DEL MONTE bo ta ricibi un tickete pa participa den e concurso aki. Si bo entrega 15 etiketa bo ta ricibi un tickete y ademas un precioso glas di propaganda cu e emblema DEL MONTE.

Riba e tickete bo mester contesta siguiente preguntanan:

- 1 — Quanto color tin 'riba e emblema di Del Monte?
- 2 — Kende ta representante di e productonan di calidad marca Del Monte na Aruba?
- 3 — Menciona nomber dje fabrica door di cual e productonan di calidad marca Del Monte ta worde traha.

Dia 7 di april proximo e sorteo lo tuma lugar na WIMCO na Oranjestad.

Premionan pa e luna aki ta lo siguiente:

- PROME PREMIO — 1 TOASTER**
DI DOS PREMIO — 1 OSTER HAIR DRYER
DI TRES PREMIO — 1 HERU DI STRIKA
DI 4 te 10 PREMIO — 48 bleki di PINE
APPLE JUICE DEL MONTE pa cada ganador

Ademas tin un premio extra di 48 ticket di PINE APPLE JUICE DEL MONTE, pa e persona cu cambia mas etiketa durante maart. Saboria productonan di calidad DEL MONTE — y gana premionan valiosos.



Comunidad economico Europeo y Merca ta deliberando

DEN HAAG, 9 mrt. — E comunidad Europea y Merca, a entrega en relacion cu e publicacion di un acuerdo facente rebaho mutuo di tarifa, un declaracion comun den cual e Comunidad Economico Europeo ta declara su mes dispuesto pa delibera cu Merca pa studia atrobe e des-afolacion cu nan ta spera e ania aki di tur relacionan comercial, incluso e aspectonan di tarifa.

E declaracion ta muestra riba e desarroltonan importante cu mester socede e ania aki manera e ehecion di desicion agraria di e comunidad economico Europeo, e aplicacion dje tratado di asociacion di e comunidad cu Grecia, e venidero acuerdo di asociacion di e comunidad cu pais di ultramar y territorionan ultramar, e deliberacionnan cu Inglaterra, e consehonan multilateral, y cu e posible expansion di e autoridatnan di president Kennedy ora cu e congreso Mericano aproba un ley nobo riba acuerdonan comercial.

Na e acuerdonan di tarifa entre Merca y e comunidad economico Europeo nan por firma cu akionan ta trata di e comunidad na un rebaho di e parivanan comun di paisnan pafor dje comunidad cu 20 por ciento.

Nan no por stimula cu awor e importacion di Hulanda for di Merca lo hira inmediato 20 por ciento mas barrata.

Pa e exportacion di e comunidad pa Merca e rebaho di tarifa lo wordu pone mas liber don abouacion. Sembra akinan ta trata di un rebaho di un tarifa cu ta existi eha cu 20 por ciento.

DINAH SHORE KIER PARTI

LOS ANGELES, 8 maart. — E cantante Mericano di 44 anja Dinah Shore kier parti for di su casa, e actor di 45 anja George Montgomery. El a duna su peticion na e corte di hucicia na Los Angeles. E parcha aki tin ya eha 18 anja casa y nan tin dos jiu.

BAVARIA Y MARIO CROES INVICTO DEN CAMPEONATO DI PINGPONG

(Di nos redactor Deportivo)

E campeonato di ping pong elase A 1961/1962 a vega na su fin y como campeon invitado a resulta e fuerte team di Bavaria. Den e seis compromisonan cu nan tabata tin nan a resulta y etorioso tur biha.

Esaki ta di cuatro biha cu Bavaria ta conquista e titulo di campeon di Aruba. Como subcampeon a keda e equipo di Commandeurs II cual ta consisti di e hungadornan Emiliano Torres, Lionel Wilson, B. Kock y Hubert Maxwell. Kenderan anteriormente tabata forma e equipo di Don Boco.

Den e mes campeonato aki e hungador estelar di Bavaria Mario Croes Jr. a demostra un biha mas di ta e mihor hungador di nos isla pafor for su partidonan. E temible Emiliano Jensen mas fuerte adversario di Croes, a perde den dos game sioj contra di e Bavariano. Otro hungador destacante di e campeonato tabata e hoben Pedro Croes di Estrella.

Posicion di e equiponan a keda lo siguiente:

CLUB	WH	WG	WE	WP	Pts.
Bavaria	6	6	—	—	12
Commandeurs II	6	5	—	—	10
Commandeurs I	6	3	—	—	6
Estrella I	6	2	1	3	5
Tivoli I	6	2	1	2	5
Bonaire I	6	2	0	4	2
Bonaire II	6	0	0	6	0

LEO BERLINSKY

proprietario di e popular joyeria

"THE PEARL OF THE ORIENT"
tin e placer di invita e publico en general pa asisti AWE, diabierna 9 di maart '62, den su joyeria na Oranjestad, di 6'or p.m. pa 8'or p.m., na e prome exhibicion cu ta worde teni na Antillas Neerlandes di e famoso

"MURANO" CRYSTAL

Cada articulo ta un exclusividad.
NO PERDE E OPORTUNIDAD AKI!!

Bond Antillano di Juniores ta empata wega na Panama contra Salvador

PANAMA, 9 maart — E equipo antillano a hunga su prome partido aqui na Panama den e promer campeonato hubenil di Norte, Centro America y Caribe, contra e seleccionado di El Salvador.

Un empate na un gol cu e wega a laga como resultado di tur manera ta un resultado cu ta favorece Salvador. E Salvadorionan a marca e gol di nan for di dos minut di e prome tempo, pero pa restu di e wega tabata Antillas cu a domina no obstante cu e gran mayoria di nos antillano a hunga masha nervioso. Masha desilusionante tabata actuacion di nos linea di atake cu a faya completamente den disparo.

Tabata visible cu si no tabata pa e hepi nervioso cu e muchanan tabata Salvador lo a sufri un derrota aplastante. E gol cu eul Schoop a tabata e wega na di dos minut di e complementario, tabata na geloz di hepi.

Ricibiendo un pase di ala robz, Schoop, cu tabata a linea di centro defensor, ta los un tiro fuerte y bon calculo den un heki arriba totalmente inalcansable pa e portero Salvadoreño. Pero esei tabata un di e solamente tres pa euter disparo cu nos muchanan a los den henter e complementario minut di e di dos mitar. Cada un di e muchanan tabata haci un que otro cos bon cu no a laga duda cu nan wega ta superior na di e adversarionan, pero mas tanto biha nervio tabata pone nan perde un bala den forma boba of nan tabata haci pasanan masha cortico of malisimo. Varios tabata sin por a acomoda nan riba e terreno, aunque cu esaki no ta di un yerba muchu pisa y tin algun pida den e terreno cu ta di tera. Den e defensa tabata unda tabatin e actuacionan mas mihor. Un salida desafortuna di portero Rafini (di Aruba) riba un corner a permiti Bricuela, e interior robz di Salvador, encabesa e gol Salvadoreño. Bon tabata cu e Salvadorionan tampoco tabata hanja oportunidad pa e shui y e corner riba cual el a haci un salida falsu, tabatin un di e poco accionnan cu tabatin pa e portero Antillano. E muchanan di nos a bai dominando e wega despues di e gol adverso ei y na di 13 minut bini un penalty na Antillas na foul den area contra Schoop cu no a scapa e referi Mericano Garcia.

Da Cunha a duna orden pa volante robz W. Blanken a tire como den training tabata e cu mihor resultado tabata saca di su tiro, penal. Pero ta faya i ta tira e bala duru y masha altu riba gol, y e oportunidad di mas franca cu por tin pa e empata e wega a bai perdi. E muchanan tur tabata convenci

durante di pausa cu e chens pa gana e wega tei y nan a drenta tambe cu animo grandi pa e segunda etapa. E gol di Schoop a bini pronto y nos defenza a hali sera completamente tras di e linea di atake pa bai en busca di e gol di triunfo. E bala a hunga constantemente den territorio di Salvador, luciendo hopi pa su rechazon y centerback Marzano. Tabatin hopi biha cu atero robz Alberts (di Aruba) cu a drenta prome cu pausa reemplaza. E Seferina, tabata kibra bai di su marcador y manda pa mei-mei, pero ei nos tabata faya. Adicional na cu e muchanan tabata pata pata di nervio, bini aserca cu e Salvadorionan ta hopi fors, poniendo esnan di nos hunga cu cautela y algun hasta cu miedo.

Nos a hanja falta di Rosal den e onena cu Da Cunha a presenta y cu manera ya nos a scribi tabatin Rafini di portero ya cu Lieber lo a ser afine, ta cu grip, pero ya pa e partido contra Guatemala diahuebs awor e lo por hunga. Servinus a cuminsa di back derecho pero el a ser cambia pa Isidora cu a hunga un partido sigur, eliminando totalmente alero robz W. Rodriguez di Salvador. Thielman tabata den bon forma como centerback y a hunga den bon entendimiento cu back robz Wilsoe. Di e dos volan'nan Daniel Pablo (di Aruba) a luci mas ya cu atoque mas hugada cu Blanken. En total e defenza aki ta bon y si nos delanteronan hanja mas confianza den nan mes y bai hugando e futbol cu cada un ta capaz na haci, nos no tin motibu pa ta pesimista en cuanto e chensnan cu ta keda nos ainda pa sali entre e dosnan prome den nos grupo. E manera cu Isidora a hunga ora cu el a drenta ta none cu e nor mantiene e puesto di back derecho y tur nos otro defensornan a laga demostra ya den e prome wega aki, unda e punto fuerte di tambe e seleccionado aki ta sinta.

Di nos linea di atake, nos por mira atras riba un partido satisfactoriamente hunga. Nan ta Schoop, e midvoor y Perez e alero robz. Atero derecho Alberts na a hunga un partido cu ta acredite pa quita e puestu di Seferina cu mester a sali pa un violento foul contra dje.

Nos gran speranza den e linea delantera a faya amargamente den e partido y esei ta Constanca. Un formidable hungador na Corsou cu a traia masha bon aki, Constanca den

YABI pa bo éxito!

Avisa den ARUBAANSE COURANT y compara e resultadol

ELECTRICAL WORK

Prome cu bo planea bo cushina nobo, bo workshop of cualkier lugar, mira pa bo instalacion ta „UP TO DATE“.

Yama nos awe mes pa mas informacion:

N.V. ANTILLIAANSE MIJ. GEBR. VAN SWAAY
Fergusonstr. 41 - Dakota - Tel. 1878



Nos tin un enorme surtido di Cosmetico marcanan mundialmente conel manera:

- * HELENA RUBINSTEIN
- * ELIZABETH ARDEN
- * DU BARRY - POND'S
- * PAGLIERI - YARDLEY
- * MAJA etc.

tambe perfume y cologna e.o.: Arpège - Ecusson - Jean Patou y varios mas.

Pa COSMETICOS bishta:

La Linda

HOLLANDSE BANKETBAKKERIJ

E prome pasteleria na Aruba cu diarlamete ta traha bolo fresco, pasaboca, kocki, croquebi, krentenbollen etc. etc. Tambe bolo grandi pa fiesta di cumpleaños, y pa tur otro ocasion. Nos ta traha un bolo pa bo, mientras bo ta warda.

● Corda spaar bo „KLOMPJES“, nan tin valor!

HOLLANDSE BANKETBAKKERIJ
(H. HAAKMEETER-LACLE)
ORANJESTAD TEL. 2798 - SAN NICOLAS TEL. 5478

NOBO NOBO NOBO
Nassaustraat 34

Nos a caba di ricibi „Dacron Volles“ y Ariels imprimi masha bunita. „Dotted-Swiss“, algo enteramente nobo den colornan precioso. Katuna „Drip-Dry“ cu disenjonan fantastico!

Pa ornamento di beru pa interior, of exterior, ta un adres so tin!

Nahar Steel Construction
Dakota - Tel. 1834

TA BENDE
Lessenaar y stoel di staal
pa solamente Fl. 350.—
Acudi na VELD STORES
San Nicolas, tel. 5150—5052

Engine lubrication with the first motion of the crankshaft

D. K. W.

Agent: KUSTERS TRADING CO. — PRICE f3.350.—

Atencion contralistanan!
Pa corta cualkier material awor no ta problema mas.

SALTA TRENN-BLITZ U9 MACHINE

ta corta tur cos... Staal, heru - zinc, porcelano - blokki - piedra, koper, aluminium etc.

Pa mas informacion acudi na
ARUBA HARDWARE C.V.
(Brenchi)

Pa renovacion of fura-mento di bo stoelnan

HNOS. TROMP UPHOLSTERY SHOP
Tel. 2287 Playa

ESKIMO PIE
Bo a purbele caba?? deliciosissimo!

Producto di nos propio fabrica — Prepara higienico —

SUPERCORPORATION ARUBA

RECAPS

PA UN BON

2nd hand tire - recap tire den tur tamanjo y tur prijs for di 7.50 pa'riba, acudi na:

Aruba Tire Servicer
Santa Cruz 124 - Tel. 2071

Nos ta drecha bo sapatu DEN 30 MINUUTI!

Trabou garantiza y na prijs sin competencia.

Ademas pa cada 4 par di sapato — nos ta drecha di cinco completamente GRATIS.

Antes taller di Joaquim Kelkboom)

EXTRA SHOE SHOP
WILHEMINA STRAAT 104

PA COMESTIBLE FRESCO, BARATA Y DI CALIDAD BO TIENDA TA

H. S. CROES STORE
Macuarima - Santa Cruz
Tel. 1068

CEMPRO N.V.
Wayacka - tel. 2444

PA TUR BLOKKI PREFABRIKAL BALKI RIBA BENTANA CEMENT DI PRIMERA CALIDAD

Pa instalacion di electricidad

Joaquin M. Kelkboom

—
HENDRIK STRAAT No. 1
TEL. 2228

CISCO KID

1. „Tiranan mata!“ 2. „Nan“. „Ma'anan!“ „Mira pa bo silba pasobra nan ta supera nos!“



DICK TRACY

1. „Zapato di golf? Bala di golf? Kiko?“ „Nos a hanja un arma nobo, chief.“ 2. „Enfin e chensnan ta cien contra uno. E bala cu a mata a bini door di e biracu ey.“ 3. „E marcacion di zapato ariba e vloer aki no ta muestra suhi nan ta limpi.“ 4. „Kiko mas kid?“ „Bini pafor.“



DE VEER THEATER presents:

Sat. 10th, Sun. 11th, Mon. 12th, Tue. 13th. and Wed. 14th. at 8.30 PM.

JOSHUA LOGAN PRODUCTION

Fanny



STARRING LESLIE MAURICE CHARLES HORST CARON CHEVALIER BOYER BUCHHOLZ. Produced and Directed by JOSHUA LOGAN. TECHNICOLOR WARNER BROS.

MUCHO MAS cu e mihor kokki REDDY ta judabo den cushina CUSHINA - HORNA - HASA cu electricidad.



PANCHI-ELECTRICO

OCHO A PASA EXAMEN DI JUDO (Di nos redactor Deportivo)

Durante estadia di Karel Doorman na nos isla a worde provecha pa ocho persona di pasa un examen di judo...

Raymond Poeteray, Ralph Poeteray y Ronald Brown. Pa e faha Oranje: Hedi Poeteray, Iris Poeteray, Carlos Bislip y Hilario Bislip.

Pa dia 17 di maart proximo ta worde spera na nos isla, e maestro di judo for di Corsow E. Snijders...

REUNION GENERAL DI A.A.W.A.

Pa dianans dia 13 di maart, directiva di Aruba Amateur Weightlifting Association a convoca un reunion general anual...

Obheto principal di e reunion aki lo ta eleccion di un directiva nobo.

E president actual sr. Carlos Bisip, a informa su directiva cu e no ta re-eligible.

Ta indudablemente un lastima ya cu bao di su direccion aña pasa por a worde nota cu a holbe drenta bida den e ramo di deporte aki...

Cumpleanjos

Awe ta celebra su feliz cumpleanjos Ita Everon. E ta ricibi hopi felicitacion di su mama Betty...

Awe ta cumpli anja Aida Jolanda Giel. E ta ricibi hopi felicitacion di su tata Maurice Giel...

den A.S.U. Sport Centrum na Noord. lo cuminsa entre Tropical y Sport Boys.

Despues di e match di diadomingo entrega di e copanan lo tuma lugar.

Agenda

ARUBAANSE COURANT diarlamete cu excepcion di diadomingo

Edita pa: N.V. ARUBAANSE DRUKKERIJ- EN UITGEVERIJ- EN PUBLICITEITS MIJ. Nieuwstraat 45 - Orstad, Aruba N.A.

DE VEER 8.30 "Tendre y violente Elizabeth" 18 J.

BOTICANAN DI WARDA Oranjestad: BOTICA ODUBER tel. 1780 San Nicolas: BOTICA CENTRAL tel. 5006

WIT-GELE KRUIS Oranjestad: Zr. Ewaldia San Nicolas: Zr. Perpetua Santa Cruz: Zr. Ludovic Hospital San Pedro di Verona tel. 2200.

POSTSLUITING Vrijdag Aruba: 14.00, Antigua: 14.00, Argentina: 14.00, Bolivia: 14.00, Benalre: 14.00, Brazil: 14.00, Br. Guiana: 14.00, Canada: 8.00-15.30, Canal Zone: Chile: 14.00, COLOMBIA: Barranquilla: 14.00, Bogota: 14.00, Costa Rica: Cuba: 10.00, Curacao: 8.00-16.00, Ecuador: 14.00, El Salvador: 14.00, EUROPA (Azia-Afrika): 15.30, Fr. Guiana: 14.00, Guatemala: 14.00, Haiti: 15.30, Honduras: Br. Honduras: 8.00-15.30, New Orleans, La.: Nevis: Nicaragua: Panama: Paraguay: 14.00, Peru: Puerto Rico: 15.30, Rep. Dominicana: 15.30, St. Kitts: St. Maarten: Suriname: Trinidad: Uruguay: 14.00, VENEZUELA: Caracas: 15.30, Maracaibo: 15.30, Virginia: 14.00.

RADIO KELKBOOM Diabierne 9 di maart 1962 8.00 Opening Musical cu disco Latino Americano 8.30 Cumpleanjos Feliz 9.00 Variacion musical U.S.A. Miami 09.15 Peticion Musical pa Telefono. 9.30 Musica Instrumental 10.00 Ritmo Latino 10.30 Noticia di N. Habibe Jr. Supermarket 11.00 Musica Norte Americana 11.15 Musica Antillana 11.30 Musica varia 12.00 Lunchmuziek 12.00 Texas Furniture ta presenta Noticia local y internacional 12.10 Intermedio Musical 12.30 Aruba Boekhandel biedt U.S. News in het Nederlands 12.45 Intermedio Musical 12.55 Viana Auto Supply brings you "News in a nutshell" (Eng.) 1.00 Musica varia 1.30 Mel ora cu Boleros 2.00 Variacion Musical 2.30 Musica Instrumental 3.00 Cha cha cha 3.15 Merenguez 3.30 Dan spaar placa cumprando na La Esperanza Supermarket 4.00 Cancioneras 4.30 Wimco ta presenta "Noticia za Papiamentu". 4.45 Cocktail Musical 5.00 Danzones cubanos 5.15 Musica varia 5.30 Musica popular 6.00 Noticia deportiva 06.15 Carlos Torres 6.30 Diner muziek 6.45 Voorlichtingsdienst 7.00 Aruba Trading Co. ta presenta "Noticiero Schitir" (Esp.) 7.15 Musica Varia 7.30 Musica Hulandes 7.45 Mercurius Trading Co. biedt "News in het Nederlands" 8.00 Norte americana 8.15 Colgate-Palmolive ta presenta su novela "Estrellita"

RADIO VICTORIA

Diabierne 9 di maart 1962

9.00 Apertura 9.05 Ultimas Noticias 9.15 E Hibel Habri 9.30 E Mundo Feminino 9.45 Canticanan di Evangelio 10.00 World News 10.10 Hymn of the Day 10.15 Radio Revival 10.45 Organ Melodies 11.00 Stories of Great Christians 11.15 Novela 11.30 Melodias di Merida 12.00 Ultimas Noticias 12.15 Musica Sufrenda 12.30 World News 12.45 Quiet Time 1.30 Radio Concert Hall 2.00 Reading Room 2.15 Songs of Zion 2.30 Quiet Hour 2.45 Ensueños Musicales 3.15 Cafe con Musica 3.30 Luz y Verdad 4.00 Musica di Banda 4.15 Ultimas Noticias 4.30 El Libro Inmortal 5.30 Radio Kids Bible Club 4.45 Noticias Espanol 5.00 Joyas del Hogar 5.15 Palabranan di Bida 6.00 Ultimas Noticias 6.30 Intermedio Musicales 6.45 Nederlanda Nieuwe 7.00 Voor Zijn Glorie 7.15 On Wines of Song 7.30 Unabridged Bible 8.00 World News 8.15 Off the Record 8.30 Book to the Bible 9.00 Musical Gems 9.30 Haven of Rest 10.00 World News 10.05 Klassieke Muziek 11.00 Sign Off

RADIO CARACAS TELEVISION Viernes 9 de marzo 1962 8.55 Himno Nacional, presentacion 8.57 Informacion sobre los programas del dia 9.00 Carrusel 9.30 En el Jardin de infancia 10.00 Serenos de Buz 10.15 Cosas de mujeres 11.15 Cineo destinos 11.30 La perfecta ama de casa 12.00 La C. V. I. R. T. Informa a la Nacion 12.05 Su telenovela "Asi es la gloria" 12.25 El show de Saume 1.40 Se necesita una amiga 2.00 Punto y aparte 2.30 Club femenino 3.00 El estudio de Hector Monteverde 3.30 Verbena infantil 4.30 Aventuras de Popeye y Yeyo 5.00 Una pareja en apuros 5.15 La novela romantica (A cara y cruz). 5.30 Fuego, fe, juventud 6.00 Show de Benny 7.30 Ahora es quien manda 8.00 El observador 8.15 La novela "El amor tiene otra cara" 8.30 La croneoteca de los siglos 9.00 La novela "El dios caldo" 9.30 Fuego 10.30 Jentoticias 10.45 En el umbral del misterio 11.00 Los cuatro hombres justos 11.30 Teatro de estrellas 12.00 Ellery Queen 12.30 Informacion sobre los programas de mañana 12.40 Marcha oficial Himno Nacional, despedida

VOZ DI ARUBA Diabierne 9 di maart 1962 08.00 Apertura 08.05 Nos oracion di mainta "The Lord's Prayer" 08.10 Thoughts of the day 08.15 Melodias Matinales 08.14 Thoughts of the day 08.15 Viana Auto Supply Co. brings you "News in English" 08.20 Melodias Matinales 08.25 Thoughts of the day 08.30 Viana Auto Supply Co. brings you "News in English" 08.45 Ecos Internacional 09.00 American melodies 10.00 Colgate-Palmolive presenta su novela "La hija del dolor" 10.30 Programa "Seguridad" 11.30 American melodies 12.00 Muziek uit Nederland 12.15 Mercurius Trading Co. biedt U.S. News in het Nederlands "Nieuws in het Nederlands" 12.30 Selection Musical di Merida 13.00 Viana Auto Supply Co. ta ofrece "Mundo en Marcha" 13.15 Conjunto y artistanan Antillana 13.40 Procter & Gamble, presentan su novela "LA GATA" 14.00 Revista Musical 15.00 Peticiones pa exterior 15.30 Selection di Musica Popular 16.30 Complicancias 17.00 Felicitando nos oyentenan 17.30 Musica varia 18.00 Servicio Informativo di Gobierno "El Observador" 18.15 Petrona & Coes ta presenta 18.30 Musica Popular

18.59 Thoughts of the day 19.00 Viana Auto Supply Co. brings you "News in English" 19.15 Instrumental Melodies 19.30 La Esperanza ta presenta "Economia cumprando na La Esperanza" 20.00 Viana Auto Supply ta ofrece "Mundo en marcha" 20.15 Sportieve Maken Anstel 20.30 Colgate-Palmolive presenta su novela 21.00 Succes Hiplens 21.30 West Indian program W.I. Association in Aruba "El Valle de los Lirios"

LESA ARUBAANSE COURANT



Como a Ud. le gusta E. F. Debot, Inc.

RIP KIRBY

1. Mumu y Tutu ta conoce e habitantenan di e mondi... "Sali di aki y bai na bo jaula!" 2. "Socorro, Rip!" 3. "No jama mi pasobra mi tin cu tene mi bista ariba caminda!"



EL DIARIO DE UNA VIDA

1. "Kiko Pelion a haci?" "El a pasa e luz corra. Cinco pesos di boet." 2. "Mi por a mirele?" "Claro!" 3. "Hola mi por papia cu bo?" "Si, mi di si bo por juda mi pa sali di aki!"



PEPITA

1. "Kiko a pasa bo hefe?" "Mi esposa tin mi na die a pa bira delega." 2. "E no ta duna mi nada mas cu juice, webo curu y honing... solamente proteinas." 3. "Cuanto liber bo a perde?" "Mi a aumenta cuatro liber!" 4. "Mi ta asina agradeci cu tur cos ta haci mi bira gordito!"




E amigo cu e no por a stima

pa Tuyuchi

No. 29

Esther tabata hala un rosa di alivio ora cu el a mira Bernd ta hiniendo cerca nan. "Mira Amctec, Bernd kier hinj sigur cerca bo tambe. Nos lo corce han ciudad pa nos ban busca papa, n' a sina?" Bao di snikmentu e mucha entristeza a drenta cu Esther su proposicion i aki bo por a mira cu maseke qui hon trato un yiu por ta goza cerca otro hende, nunca eci por surpasa amor di mama. Den su verdriet e pover mucha, entristeza te den su alma tabata primi su mes contra Esther como si fuera e tabatin un presentimento di loke tabata hai pasa cume i tabata como si fuera e tabata busca proteccion cerca Esther. Na e mes momento cu Esther a pidi e criar di hiba nan ciudad inmediatamente, Leo von Huchting tabata para enfrente di un dokter venerable, kende su cara franco tabata dune confianza. Cu dolor na su curazon Leo tabata bisa: "Mi sa mucho hon aki grave situacion di mi muhe ta, Dokter. Pero mi sa tambe cu mi por confia riba ho." Cu discreto e dokter a responde lihe: "Lo nos haci loke nos por. Pero mi no ta segura ni priminti nada."

Tabata eustumber di e dokter aki di papia semper cu frankeza i e no tabata gusta nunca di haci promesanan cu e no por cumpli eune, ni tampoco duna ningun hende speranza nan falsu, pasobra e atakanan di e muhe aki a sigui otro asina lihe, cu ta solamente un milagro por a salba e muhe aki. "Mi por bai cerca mi muhe, dokter?" "E dokter anciano a keda ta reflexion a ratu. A parece un ratu como si fuera e kier a rechaza e suplica, pero toch el a sagudi cabz aprobativa. Dilanti un dje portanan el a keda para i a bisa: "Algun minuut pasa bo muhe a ser trece aki, Sr. Von Huchting. Pa su mes salud lo ta di evite di tur excitacion. Mientras e anciano medico a abri e porta poco poco, el a pensa cu toch e bishita lo no por peora e situacion mas tantu cu i e taba i a larga e haciendero hai cerca su muhe. I mientras e humber tristu i desilusiona tabata hai cerca e muhe esai muriendo, e dokter a bisa den su mes: "Pover Leo." Hilda von Huchting a hira su cara. El a keda algun seconde ta fiha su muhe i a aparece un sonrisa silenciosa riba su cara bleck manera was. "Ahan, b'a bini, Leo?.. Wel, mi por a sa esai..." E enferma a cesa awor i un ratu el a cerra taba su wowonan. Luego cansa el a hiza su man j a duna su casa un senjal di yega acerca. "No ta facil pa mi mas, Leo", e muhe a bisa na boz casi inaudible. "Pero mi mester papia cu ho cu urgencia. En realidad, mi ta sinti esai." "Hikla!" el a interrumpie. "Ata mi a entrega bo aki den man di expertonan i especialistanan? Bo ta aki den hon man. Dokter Pommer lo hai tur loke ta na su alcance pa bo hanja bo salud." "Si, esai lo e haci sigur: esai mi sa... ma enfermedad aki, Leo... e ta mucho mas grave cu boso por imagina bo..." "Por favor, no papia asina", el a interrumpie trobe. Nos tur tin mester di bo, Principalmente Annette..." E sonrisa ya a desaparece foi cara dje enferma. I un ansia terrible a aparece riba su cara i den su wowonan. "Ta hustamente pa su motibu i na su beneficio mes cu mi kier a papia cu bo, Leo. Mi no ta desea, pa e mucha aki keda biba sin amor di mama ora cu lo mi no t'e'i mas." Atrobe su stem a bai perdi... Aunque cu Leo a pone su ora te pega cu su boca, tin solamente algun choque leve e muhe tabata manda. Pero despues di un ratu trobe cu un esfuerzo sobrehumano i awor mucho mas excitacion a un rato prome e muhe a cuminsa ta papia como si fuera e tabatin miedu di perde tempo. "Annette ta chikito akienda, Leo... lo l lubida, ora cu e ser rondona cu amor maternal, manera Esther ta haci esai ya ta basta tempo caba. E mucha no mester crece sin mama. E pensamiento ei sol ta tormenta mi asina tantu..." Un ratu e muhe enferma a cesa pasobra e tabata foi su mes di cansacion. Pero e na a cesa mucho largu, pasobra e pensamentu riba norvenir no kier a large cu tranquilidad. "Ma pensa riba Esther, Leo. Toch ya e ta pertenece na nos famia caba. Bo mester punte pa bira bo muhe." Te un ratu prome Leo a keda ta scucha na palabranan di su muhe cu un cachin inclina pero awor el a hiza su cara na laria. Masha asombra el a keda ta mira e muhe sin por a comprende ta kico esai tabata nifica. "Ai, no keda mira mi asina, Leo... comprende mi toch, pasobra esai ta un suplica di mi banda. Comprende mi desao..." Tabata como si fuera e muhe tabata satisfice awor cu e por a expresa e palabranan ei i su man tabata busca es di su esposo. "Ora cu Esther ocupa mi luea na cas, anto lo mi ta sosoga i trankilo. E ta stima nos yiu asina tantu. Oh Leo cumpli cu e deseo aki di mi, kisa e ansia ei foj mi, pa mi yiu no mester keda sin amor di un muhe... kizas por presenta un otro muhe den ho bida cu lo no stima mi yiu Annette ei e amor asina grandi manera Esther ta stima i e ora ei mi yiu lo no pasa bon..."



Aqui un Marinier ta ser tira over, quende mester haci contacto entre torpedero-submarino „Groningen” y „Karel Doorman”. Primeramente nan ta pasa un linja delega over. Luego ta pasa uno mas diki over di dje. Alafin e dos vapornan aqui ta comunica cu otro pa medio di un kabel cu ta basta diki pa por wanta carganan pisa ora cu nan ta riba lamar gancho pa nan por pasa carganan pisa di un vapor pa otro.



Aqui nos ta mira e torpedero Groningen ta nabega bai den un distancia di menos cu trinta meter for di Doorman.



Un Tracker ta subiendo net na e momentu aqui riba e dek di aviacion di Karel Doorman. Riba e brug tin suficiente interes. Parti dilanti na derecho nos ta reconoce deputado I. de Cuba.



E squadron Trackers a caba di yega for di Corsow y ta bula over di Karel Doorman.




Tamibe helicopternan ta aterrizá cu e facilidad di mas grandi riba dek di Karel Doorman. Awor ta biniendo net esun di dos dje trio, cu constantemente ta bula rond di Doorman den aire durande e ehercicionan di aviacion. Si mester pasa un accidente, anto instantaneamente e helicopternan ta „sambuya” bai na e luga di calamidad.



Gezaghebber Beaulon y secretario insular Kerstens ta sosega un ratu dushi di nan riba e alcazar na fin di un dia anima, pero alavez di hopi cansancio.



Aqui nos ta mira e tracker riba castillo de proa di Karel Doorman para cu alanan extendi, despues cu e ehercicionan a termina.



Luchthavenmeester Heemskerk ta splica Jos van der Schoot com e compas ta ser premulga. Deputado Erasmus ta para mira (na drecho).

ARUBAANSE COURANT INVITA ABORDO DI „KAREL DOORMAN”

(Continuacion di pag. 1)

Trackers, cu despues di tabata un poco tempo staciona na Hato i loko cu e aparatonan aki tabata demostrando tabata cosnan cu hama wovo di hende por a contempla tabata admirable com cada piloto tabata pone su avion pechi na orden abordo di e vapor riba su dek.

E spiel

Si antes e pilotonan cu tabata den ta tabata guia pa un „batsman” awor ta e spiel ta haci milagro. Foi gran distancianan ya e spiel aki tabata marca loko tabata bini foi gran distancianan. Riba e spiel e piloto ta mira cu e vapor of avion ta drenta hon.

Kerstens i Esso News

Pa fotografonan amateur tabata un gran dia. Bo n' ta caba di contempla curiosidad cu tin abordo di un vapor manera Karel Doorman riba un dia sol, quizas ni tampoco den un siman. Kerstens sin duda lo por gana un premio cerca Camera Club di portretnan cu el a saca abordo i p'afor. Tambe sr. Norman Singh fotografo di Aruba Esso News i ta sigur cu pronto e revista menciona aki lo sali publica ilustra cu portretnan di Karel Doorman i Limburg su bishita na Aruba.

Helicopternan dobel tarea.

E helicopternan di abordo di Karel Doorman tin un dohle tarea. Di un banda nan ta sirbi pa combati submarinonan i di otro banda nan ta obliga di keda semper cerca Karel Doorman. Tambe nan ta bula riba awa, pero nan trabao ta di vigila pa unbez si pasa cualkier cos nan salva vicimanan foi den awa.

„Daar bij die molen”.

Riba terreno di sinjalnan Hulanda tabata ocupa un luga unico den mundo. Por ehemplo abordo di vapor tin diferente senjalnan cu ta ser duna cu microfoon. I esei ta socede enter dia pasobra kico cu nan mira ta drenta of unda leu cu e por ta e linea ta papia bisa.

Gradicimantu.

Nos tabata huespednan 12 ora cerca Marina Real. E gradicimantu die invitados a bira visible atardi ora cu a yega momento di termina.

Na nomber dje huespednan Gezaghebber Beaulon a regala e tripulantenan un paquete di disco como un prueba di gratitud Bieh Hochsrukhl a papia na nomber dje invitadonan di habla Mericano.

Cu masha cordialidad nan a tuma despedida di enter tripulacion i oficialnan i pa e 25 invitadonan Arubano e dia ei tabata pa nan un dje dianan cu no ta facil pa lubida.

ENSENANZA NA SUR AMERICA

SANTIAGO DE CHILI, 9 maart — E delegado Brazilenjo pa un conferencia regional di Unesco di esenjanza, Pedro Estevo, a peltia pa un fondo special di esenjanza pa henter sur-America.

El a bisa, cu e retrazo dramatico den e territorio di esenjanza, den Latino America ta wordu ilustra door dje hecho, cu dje 70 milion Brazilenjo, tin 35 milion analfabeta.

INUNDACION NA SUR DI INGLATERRA

PENZANCE, 9 maart. — Inundacion pa di dos biaha na e lugarnan di costa sur di Inglatera, cu ta Penzance y Newlyn.

Esaki a socede durante laman altu. Tambe e comunicacionnan di ferroviaria den e territorio aki ta kibra y hopi hende a keda sin cas. E danjo ta hopi grandi.

PATTERSON VS SONNY LISTON CAMPEONATO MUNDIAL

E campeon Mundial di peso mesado Floyd Patterson a caba cu e largo silencio cu e tabatin, biniendo ta warda, confirmando local tur hende tabata sospecha basta tempo caba; cu lo e bai defende su corona contra Sonny Liston.

Casi sigur e pela aki, lo ser efectua na juni, pero ainda tin algun factor cu por pone e lecha aki bira mas tempran of laat. Patterson a declara tur e cosnan for di tempo entretanto na Highland Mill.

Patterson a bisa cu tin cinco ciudad cu por bini den consideracion pa laga e pela tuma lugar, despues cu e negociacion a tumá un bon curso, despues di declaracion di Liston cu lo e no laga e factornan economicos bira un obstaculo pa e pelea ser efectua.

Patterson a menciona New York, Filadelfia, Washington, Chicago y Los Angeles como e ciudadnan na cual e pelea por ser tene. New York cu su Yankee Stadium lo ta un bon lugar, pero Los Angeles tambe tin un bon chance cu e Coliseo di cienmil asiento. Tabata obvio cu Liston a keda impresion pa e indicacionnan di cu Patterson lo busca un otro contendor. Si e lo sigi bira rond di e punto di finanzas, y a acepta e pago cu lo ser stipula pa e Asocion Nacional di Boxeo.

Te ainda e creencia general ta, cu asina mes Liston lo hania mas cu doscientmil dollar.

MARATON DANCE & PIC N'IC
DIA DUMINGO AWOR, 11 di maart 1962 di 11 a.m. te 6 p.m. na

ROOI LAMOENCHI
cu tres conjunto „SENSACION” - „LOS DUQUES” y „SONORA”.

Entrada caballeros fl. 2.50 — Damas fl. 1.00

☆

BIN MIRA — BIN BALIA — BIN GOZÁ.!!

HOROSCOOP di awe

ARIES
21 Maart — 20 April

TAURUS
21 April — 20 Mei

GEMINI
21 Mei — 20 Juni

CANCER
21 Juni — 22 Juli

LEO
23 Juli — 22 Augustus

VIRGO
23 Augustus — 22 September

LIBRA
23 September — 22 October

SCORPIO
23 October — 22 November

SAGITARIUS
23 November — 21 December

CAPRICORNIUS
22 December — 19 Januari

AQUARIUS
20 Januari — 18 Februari

PISCES
19 Februari — 20 Maart

Stand di luna ta trece asuntunan objetivo of di profesion fuertemente dilanti.

Expresa bo mes masha bon awe i no larga ningun hende den awa. Principalmente tene cuidao cu mal entendimientu.

No ta un dia mucho bon awe pa bo cerra transaccionnan financier. No ta dia di fia ni na hende, ni cerca hende.

No spera mucho cos riba e dia di awe cerca otro nan, ni tampoco di nan prestacionnan.

Un tendencia nobo ta pone acento special riba trabao normal demonstracion di servicio na otro nan.

Lo tin hopi cos inculcable den contacto cu muchanan, personan queri of interesante.

Un modificacion den e aspectonan ta crea un esfera irritable den bo ambiente. Evita kestion tantu cu por.

DELIBERACION A CUMINZA AJERA NA EVIAN

EVIAN, 8 mrt. — Nan ta informa na Evian di banda frances cu na e deliberacion entre Francia y Argelia nan a atende e problemnan cu ta existi ainda, esta recuperacion di tranquilidad y orden na Argelia y formamentu di un organo temporal pa gobernacion pa e periodo di traspaso entre ceso di bringamentu y referendum pa autodeterminacion.

Segun nan ta declara e declaracionnan cu a dura cinco ora a bai segun programa.

Politiconan y corantnan Frances generalmente ta di opinion cu nan lo yega na un acuerdo na Evian. Pero si nan ta puntra nan mes si e autoridatnan Frances na Argelia, en historia di e actividad di e exercicio secreto lo ta capaz pa laga ehece e condiccionnan di un armisticio.

Di fuente oficial Frances nan ta mis ra cu tambe e frontera nacional di liberacion mester cumpli cu su parti pa haci posibel pa ehecuta e acuerdo di armisticio, door di percura cu su simpatisador cumpli cu e estipulacionnan di e acuerdo.

E delegacion Frances ta optimista y nan ta spera cu e conferencia aki mas o menos o siman lo firma e acuerdo di armisticio.

Di banda Argelino nan a declara:

REAL MADRID CONTRA STANDARD LIEJE 22 DI MAART PROXIMO

Asocion belga di futbol a anuncia cu e prome partido di e semifianal pa Copa Europa entre Real Madrid y Standard lo ser efectua dia 22 di maart proximo na Midrid. E encuentro di revancha lo ser hunga na Lieje dia 12 di april. Si mester sigi un wegá di desempate, e partido aki lo tuma lugar den un ciudad frances dia 19 di april. E ciudad aki alada no a ser stipula.

CHINA NACIONALISTA BAPOR HULANDES TRES

TAIPEH, 8 maart. — Vice-premier di gobierno di China Nacionalista na Formosa, Wang Joon Paoc, a bisa den parlamentu e tempu pa un ataque contra continente di China comunista ta acercando mas y mas. El a bisa esaki en contestacion riba expresionnan di miembro di parlamentu di China nacionalista, cu a insisti cerca gobiernu pa pronto haci un atake limita riba continente di China comunista, awor cu e pais ey tin masha preocupacion cu falta di cuminada, intranquilidad interior y malcontentu den eheccio.

SENEGAL TA RETIRA EMBAHADOR NA MAROKKO

DAKAR, 8 maart. — E minister senegales di informacion a anuncia cu Senegal a dicidi di retira su embahador for di Marokko, como consecuencia di un investigacion tocante un complot contra estado, cu nan a descubri dia diez di februari. Tambe e gobiernu Senegales lo pone un fin na e eheccion di derechonan preferencial pa e importacion di Marokko.

LESA
„ARUBAANSE COURANT”
UNICO DIARIO MATUTINO
DI ANTILLAS